



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XXXVIII. Quae sit Materia Sacramenti Confirmationis?

urn:nbn:de:hbz:466:1-11726

erum. Nam Apostolorum actio, *Act. 8.* non fuit humana ceremonia adiuncta baptismo. Patet supra: Et Augustinus vocat *Chrisma Sacrosanctum Sacramentum*. Quæ alia mentiatur Kemnitiuſ, vide in meo *Antipap. Mendace part. 3. quæſt. 5.*

AD III. Mentitur. Patet in meo *Antichriſto par. 3 q. 7.* Et Augustinus ibi ſcribit de Confirmatione Reconciliatoria pœnitentium, non de Confirmatoria. Et hanc, vocat orationem; ſed non negat eſſe Sacramentum. Nam Impoſitio manuum ſemper fit cum oratione. Et rata ſemel, repeti nequit: at Reconciliatoria poteſt: de qua reconciliatione hæreticorum loquitur Augustinus. Nā reſipiſcentes hæretici ſolebant recipi cū vnctione Chriſmatis in Eccleſia Orientali; in qua Augustinus degebat: at ſine hac, in Occidentali.

AD IV. iam liquet.

AD V. At Confirmatio eſt de cœlo: tum quia à Chriſto inſtituta ſolo: tum quia S. Patrum teſtimonium eſt de cœlo, vt *Sanctum*.

QVÆSTIO XXXVIII.

Quæ ſit Materia Sacramenti Confirmationis?

LVTHERANI, perindeque CALVINIANI totum S. Chriſma deſpuunt & irrident. Kemnitiuſ pag. 324. per deſpectum vocat Pinguedinem torrefactis calceis inungendis. Calviniſtæ in Galliis oceras eo perunxerunt. II. Oleum S. vocat Kemnitiuſ pag. 287. Chriſma excantatum. Cal. iuſ *Inſt. l. 4. c. 19. §. 8.* oleum diaboli mendacio pollutum. Vterque benedictionem olei vocat ſuperſtitioſam & magicam.

SVADENT iſtis. 1. Brentiuſ in *Conf. Wittenb. c. de Bapt.* Quia, Chriſma pertinet ad iudaicas ceremonias; à quibus reuocatur. *Col. 2. Si mortui eſtis cum Chriſto. ab elementis mundi huius; quid adhuc his detinemini?* 2. Quia, Dionyſ. Areop. ſubindicat vſū Chriſmatis ab athleticis vnctionibus eſſe deſumrum, & Moſaicis; atqui Deut. 12. *Cave, ne imiteris gentes; & requiras ceremonias earum.* 3. Quia, acta Conciliorum docent à Sylueſtro Chriſma inſtitutum. 4. Kemnitiuſ. Quia, *Act. 2. & 10.* datur Sp. S. ſine Chriſmate. Et, *Act. 8. & 19.* ſolum fit mentio Impoſitionis manuum, non Chriſmatis. 5. Quia, Tertull. *l. de Bapt.* dicit, ritum Chriſmatis petiſſe eſſe ex Veteri Teſtamento: Inſtitutum ab hominibus; ergo non à Chriſto.

AVTOR. I. Materia Confirmationis eſt Chriſma. 1. Quia, 2. Cor. 1. *Qui Confirmat nos Deus, & vnxit nos, & ſignauit, & dedit pignus Spiritus in cordibus noſtris.* Id quod Ambr. Anſel. Theodoretus &c. de Chriſmate exponunt. Et rectè: nam *Confirmat*, roborando: *Vnxit*; En materiã. *Signauit*; en Characterem. *Dedit pignus &c.* en effectum. 2. Item, 1. Ioann. 2. *Et vos vnctionem quam accepit ab eo, maneat in vobis.* 3. Ita Conſenſus Patrum.

II. Oleum verò ſit, non ſimplex, ſed mixtum baltamo. 1. Ita S. Dionyſ. Areop. in *Eccleſ. Hierarch.* S. Clemens *l. 7. Conſt.* Fabianus Papa. Cypr. Greg. &c. 2. Fauetque figura, *Exod. 30.* de vnguento tabernaculi & ſacerdotum compoſito: quod Chriſmati conferunt Cyprian. & Petrus Damianus. 3. Ratic, *D. Th. 3. q. 27. a. 2.* Quia, materia Sacramenti ſignificare effectum eiſdem debet; qui eſt Cõfirmatio, in fide requirere Cordis puritatem & feruorem; ac oris Confessionem: Ceu Oleum eſt liquor

Mm 3. pu.

purus & ardendo lucens: balsamus odore fragrans. Quam congruentiâ Kemnitius inimicè sublannat.

III. Chrisma prius esse consecratum debet. 1. Quia sic Traditio ex Clemente l. 7. *Const.* ubi ab Apostolis id manasse ait. Ita & Fabianus Papa. &c. & Concilia, Nycænum, Laodicenum, Romanum. &c. antiquissima ac locis dissitissima. Sic & Patrum Consensus constans.

IV. Dandum verò est Chrisma ab Episcopo in fronte baptizati. Ita Patres, Concilia &c.

DICO AD I. Pariter nec aquâ in Baptismo foret utendum, nec pane in Cœna: Quæ erant in Veteri Testamento inania elementa; at in Nouo sunt gratiâ plena.

AD II. Mentitur: quia Chritmatistis doctrinam tribuit Apostolis: esseque similitudinem ait cum Iudaicis & athleticis vñctionibus.

AD III. At Syluester solum de Fronte vngenda præcepit.

AD IV. Datus ibi Spiritus Sanctus est ex priuilegio; non ex ministerio. At, *Actor. 8. 19.* Impositio manuum est inunctio; quia hæc fieri nequit absque illa. Quòd autem sub initia Spiritus Sanctus visibiliter apparebat super confirmationem, id fieri ad solam manuum impositionem potuit, ex priuilegio: Certior tamen sententia Patrum est, factum ex Sacramento; quòd semper vñ fuerint oleo. Vide *Bellarmin. libr. 2 de Confir. c. 9.*

AD V. Sermo est ibi de typo.

QVÆSTIO XXXIX.

Quæ Forma Confirmationis?

LUTHERANI, itemque CALVINIANI certatim nostram imperunt.

SVADENT istis. 1. Kemnitius Lutheranus, *part. 2. Examin. pagina 288.* Quia, hæc forma, *Signo te signo Crucis*, nec est in vetustioribus scriptoribus: nec eadem verbotim apud omnes.

2. CALVINVS Instit. libr. 4. c. 19. §. 5. *Consigno te signo Crucis. Pulchrè & venuste: sed ubi est Verbum Dei?*

3. Ibidem. *Quis eos in oleo salutem querere docuit? &c. Salutem, quæ in Christo est, abiurant, Christum abnegant, partem in regno Dei non habent. Oleum ventri, & venter oleo: utrumque Dominus destruet.*

AUTOR. Forma est: *Consigno te signo Crucis: & Confirmo te Chritmate salutis: in nomine Patris, & Filii, & Spiritus Sancti.* Apud antiquos non verbis totidem, sed sensu ipso. hæc eadem habetur. Nam forma omnis consistit in sensu, non in numero syllabarum ac sono: alioquin græce &c. prolata forma eadem nil efficeret. Quod formam non plures veteres prodiderint scriptis, causa est; quod nec Baptismi formam expresserint communiter; ne ab infidelibus profanatio contingeret: Solum dicunt cum inuocatione S. Trinitatis baptizari. *Dionys. cap. vlt. Eccl. hier. negat fas esse literis mandare formam.*

DICO AD I. Iam liquet.

AD II. Sicut totum Dei Verbum est Traditum primitus; & postea scriptum, non totum tamen: ita & Forma Confirmationis est de Tradito Verbo; ceu & Baptismi. &c. Quin ipse Calvinus *Ibidem §. 51.* fatetur Ordinationem Ministrorum esse Sacramentum; nec vñquam tamen inueniet de eo, quod cum elemento faciat Sacramentum; vt ipse